

Heinrich Rudolph Redecker

**Henricus Rudolphus Redeker/ ICtus, Antecessor Univ. Rostoch ... ad  
Disputationem inauguralem, quam ... Dn. Johannes Knegendorff/ Rost: De  
Actionibus In Rem, Conscriptit, & 21. Martii ... Magnific: Dn. Rectorem ... officiose  
& amice invitat : [Rostochii, Sub Sig. Fac. Iur. die 10. Martii an. 1678.]**

Rostochii: Keilenbergius, 1678

<http://purl.uni-rostock.de/rosdok/ppn740053957>

Druck Freier  Zugang



Sachklage


RU jur 1678

Heinr. Rud. Redeker, Pr 1a

Johanna Knegehdorff, Pr

Mit Progr





HENRICUS  
RUDOLPHUS *Redeker*  
Jctus, Antecessor Univ. Rostoch.

& Sereniss. Ducis Mechlenb. Consilia-  
rius intimus, nec non ducalis Consistorii As-  
sessor, & ad hunc actum Decanus.

ad Disputationem inauguralem,  
quam,

Pro consequendis summis in utroq; jure honoribus,

DN. JOHANNES *Knegendorff*/Rost:  
De

ACTIONIBUS  
IN REM.

Conscripsit, & 21. Martij, solenniter, i. e. consueto loco  
& more, habendam constituit,

Magnific: Dn. Rectorem, Omnes omnium  
Facultatum Doctores & Studiosos, omnesq; Litera-  
ros, & literarum Fautores, officiosè  
& amicè invitat.

---

ROSTOCHI, Typis FRIDERICI KEILENBERGII, Acad. Typogr.



*Salutem.*



On inutilem literato orbi  
præstiterunt operam, qui, boni  
publici studio, id egerunt, ut,  
spreto aspero & salebroso scri-  
bendi genere, ambitiosâ segni-  
tatem Triboniani, vel, si is excu-  
sandus, temporis injuriam, &  
barbaricam subinde tempesta-  
tē magnā ex parte compensantes, recondita Jurispru-  
dentiā romanæ mysteria, formulasq; dicendi atq;ve  
agendi solennes, ex ipsis prudentiā penetrabilibus eru-  
tas, avidæ posteritati commendarent. Quos inter præ-  
cipuam laudem, par Nobilissimorum Jctorum, Barna-  
bas Briffonius, & Franciscus Hotomannus, togata Gal-  
liæ lumina, merentur. Hi enim, in conquirendis Ro-  
manorum formulis & conceptis Qviritium verbis, tan-  
tam adhibuerunt diligentiam, ut vix aliquis, nisi illo-  
rum admoto lumine, obstructas in plerisq; legibus  
difficultates explicare, & in apicū proferre possit. Sive  
enim de Romanorum sacris, sacerdotibus, precationi-  
bus, votis & dedicationibus: sive de comitiis, roga-  
tionibus, intercessionibus, suffragiis, sententiis atq; de-  
cretis; Sive de Legibus, plebiscitis, edictis, constitu-  
tio-

tionibus, rescriptis & responsis prudentum: Sive de re & disciplina militari; sive de testamentis, fideicommissis, legatis, codicillis & funeribus agatur, undiq; abstrusa legentium ingenia exercent oracula, & densæ in sylvâ antiquarum legum tenebræ oculis obijciuntur. Imò si, illis relictis, ad justitium quis se contulerit, & vel hæere in foro, vel voltare per jura & tribunalia, vel lites seqvi, vel judicia subire velit, vah! quanta se offert formularum solennitas & discendi necessitas; adeò ut, si olim quis vel syllabam solemnitatis omisisset causa caderet, l. 1. C. de form. ast. subl. Uti enim prisca Romanorum gens juris religiosissima fuit, ita non credebat ad boni veri q; artē suas sufficere vires, sed cum, post exactos Reges, & abolitas leges regias, Rempublicam, seu Statum popularē, formarent, & incerto jure uterentur, constituti sunt decem viri, qui Leges, à Græcis prudenter petitas, primo in decē, deinde in duodecim tabulas retulerūt. Nec hæ Leges duodecim tabularū, quarū tamē magnā semper auctoritas fuit, nec earundem interpretatio prudentum, quæ disputatio fori dicebatur, sufficiebant; sed qui agere volebat, actionē legitimam ab illo, qui Pontificū collegio præerat, impetrabat, Pomponij in l. 2. §. 6. de O. J. & si vel minimū in subtilitate esset omissum, jure cadebat, teste Vaconio de Vacun. l. 6. decl. 242. & DD. ad d. l. 1. Cum vero Pontifices eā, quā pollebāt auctoritate, per ambitionē & avaritiam abuterentur, Appius Claudius primum illas legis actiones in formā redegit, quas Grævus Fla-

Flavius scriba ejus, per insigne plagium, surripiens & populo tradens, tam gratam rem populo fecit, ut inde tribunitiam potestatem impetraret. Postea Aelius Sextus alias actiones composuit & populo, ne incerto ordine procederent, concessit. Tandem, ut major juris justitiæq; auctoritas esset, judicis constituendi, actionis dandæ, præscribendæ formulæ, & juris dicendi, potestas omnis translata est ad Prætores l. 15. §. 28. de *damn. infect.* In illo autem Judiciorum ordine & formularum penè ambitiosâ solemnitate perstiterunt Romani, usq; dum, per sacratissimas Principum constitutiones, hujuscemodi supervacua ambages, in abusum degenerantes, & quatenus quis, illis non observatis, causâ cadebat, ab usu fori sunt remotæ. Nam Imperatores Theodosius & Valentinianus, necessitatem impetrandi formulam agendi, & dandi actiones potestatem, Prætoribus aliâ competentem, sustulerunt l. 2. C. de *formul. impetr.* §. l. i. C. *Theod. eod.* Constantinus autem, formulas aucupatione Syllabarum justitiæ, & cunctorum actibus, insidiantes, translato in Græciam Imperio, cum nec ibidem illæ superstitionis solemnitates probarentur, radicibus amputavit, d. l. i. C. d. t. Nec minus Pontifex Romanus, Alexander III. in Sacra Imperii temerario ausu involans, & potestatem legum ferendarum sibi superbo supercilio, cum ex Salvatoris mandato potius orare, docere, & baptizare gentes debeat, arrogans, rescripsit, ne subtiliter, cujusmodi actio intentetur, inquiratur, sed simpliciter & pure factum

Actum ipsum & rei veritas, secundum formam canonum, investigetur. *c. dilecti 6. x. de Judic.* Ceterum rem pernicius examinanti, nec formulæ ipsæ agendi, nec impetrandi, vel dandi à Judice necessitas juri, justitiæque administrationi, repugnat, sed potius eam, in subditorum insignem utilitatem, & egregium publicum, oppidò promoveret. Uti enim haud improbare possumus sollicitam Imperatoris Constantini curam, quâ superstitiosas subtilitates, in justitiæ damnū, & bonæ causæ periculum directas, à foro exulare jussit, ita neutiquam formulas agendi, & ut illæ secundum ordinem & stylum Curia publicè præscribantur, rejiciendas putamus. Nec alio finē prudentissimus Romanorum Tullius fori vitium videtur exagitasse, quàm ut, subtiles Advocatorum Judicumque censuras formularum, in convenientem reduceret formam. Siquidem in foro versantibus notissimum est, quanta subinde, circa libelli ab actore oblatis requisita, moveantur litigia, quæ in plures sæpè annos, cum maximo litigantium incommodo, & justitiæ pernitioso sufflamine, dum de ineptitudine libelli disceptatur, protrahuntur. Si causam tam infelicis processus aliter repetamus, multorum Judicum inconsultam prudentiam, & advocatorum quorundam temerariam insolentiam, si imperitia excusanda veniat, reputamus. Illi enim, qui ex foro vivunt, & lucra captant, malunt habere, quàm gerere & finire rogata bella. Unde, *Perez. in Cod. ad d. t. factum est*, inquit, *ut hodie sine arte litigetur, confusè & multis adhibitis calumniis; cum veteres summo*




Summo studio, prudentia & arte eas à Judiciis exclusissent.  
Et Fabrottus ad Cujac. parat. in d. t. Johannis Saresbe-  
riensis verba, de nugis curialium, referens. Sed & Leges  
ipsæ & consuetudines, quibus nunc vivitur, insidiæ sunt &  
laquei calumniarum. Verborum tendicula proponuntur, &  
aucupationes Syllabarum. Leges quidem, & convenientes  
rationi rectæ consuetudines, improbare non possumus,  
id tamen maximè, quod sub colore & prætextu  
legû sæpius malitiosè erretur. Modo enim, cum sum-  
marium processum natura negotii desiderat, ordina-  
rium Advocatus instituit, vel, illo nequicquam resi-  
stente, Judex ordinat. Modo, si ita visum arbitrio ju-  
diciis, vel prece, precio, aut favore corrupti, fuerit, ex  
Judicio ordinario formatur summarium, & cum, per  
modum sententiæ, debeat processus terminari, in vim  
mandati desinit. Sæpè cumulantur actiones, quæ vix  
concurrunt; sæpè contra scinduntur, quæ ex causæ  
continentiâ non debent dividi. Videbis petitorium  
Judicium cum possessorio, & actionem in rem cum  
actione personali sæpiusculè perperam misceri, vel in-  
justè separari; quod omne providus & peritus Judex,  
pro suâ religione, & posset & deberet cavere, si Juris  
Sacerdos appellari, justitiam colere, boni & æqui no-  
ticiam profiteri, æquum ab iniquo separare, & licitum  
ab illicito discernere velit. Et, quis non videt, posse ter-  
rarum dominos, & summos Justitiæ Antistites, multas  
querelas amputare, litigantium vero proterviam præ-  
cidere, si certæ formulæ in quovis negotio, publicâ au-  
ctori.

toritate præscriptæ, à Judicibus darentur. Nec aliud  
voluisse videntur maximi nominis Jcti, qui, veterum  
prudētū formulas scitè & concinnè compositas, sum-  
mo cum labore restituerunt. Cum autem Vir Claris-  
simus Dn. JOHANNES *Knegendorff*/ Utriusq; Juris  
Candidatus eximius, in latifundio jurisprudentiæ feli-  
citer navigans & ad portum scientiæ tandē adpellens,  
præprimis actionum instituendarum nodosas difficul-  
tates sentiret, in illud studium nervos ingenii intendit,  
ut, pro adipiscendis summis in jure honoribus, de  
difficili & abstrusâ actionum in rem materiâ, inaugu-  
rales conscriberet theses, easq; publico examini Do-  
ctorum exponeret. Ceterum, cum is noster Civis  
sit, de ejus honestissimâ origine, multa, inter ha-  
rum rerum scientes, verba facere nihil attinet: siquidē  
Parentes ejus huc dum], per Dei gratiam! superstites,  
& hodiè *Gustrovii* degentes, integritate vitæ inter  
præcipuos ejusdem Residentiæ Ducalis cives, numerā-  
tur. Pater enim Vir Spectatiss. *Dnus Johannes Knegendorff*/  
Sereniss. Ducis *Mechl.*, Dni nostri clementissimi  
Præfectus vectigalium est: Mater autē femina lectis-  
sima *Margaretha Dalbissen*. Id potissimum in ejus en-  
comiū referendū erit, quod, sepositâ infantiâ, id egerit  
semper, ut ad virtutis & eruditionis metam omnib; vi-  
ribus omniq; studio contenderet. Uti enim prima hu-  
manioris literaturæ fundamenta in Scholâ *Gustrovi-*  
*ensi*, Rectore Viro Clarissimo, *Dno Andrea Gothofredo*  
*Ammone*, Philosopho & Philologo celeberrimo, nunc  
Superin-

Superintendente Wunstorpiensi plurimū Reverendo, solidè jecit, ita eundem ad Illustre Gymnasium Sedi- nense vocatum, cupidissimus discendi, securus est; ibi- demq; prima Legū cunabula, informatore Viro Con- sultissimo Dno. *Friderico Movio J. U. L. & Profefs.* Gymnasii Carolini, hausit. Dein, ad majora compositq, An. 1669. in hanc Patriam Academiā se contulit, & sub nostro, nec non Nobilissimorum Jctorum, *Dn. Docto- ris Radovii & Dni. D. Lemkenii P. P.* & Collegarum no- strorum honoratissimorum, uti etiam Viri Amplissimi *Dni. Licentiati Haßerti*, præsidio, in omni parte universi juris se paratum reddidit. In Academiā etiam Jenensi tantam, tamq; indefessam, Studio juris absolvendo, ad- hibuit diligentiam, ut tandem ad Nos, præmium la- boris, decenti more, impetraturus, rediret. Cum itaq; examen rigorosum cum illo institueretur, adeò erudi- tū se in jure ostendit, ut Ampl: Ordinis suffragio digno censeretur, cui potestas, pro summis in jure honoribz consequendis, publice disputandi, daretur. Proinde Disputationem inauguralem, **DE ACTIONIBUS IN REM**, eleganter conscriptam, die 21. præsentis mensis Martii, habendam constituit. Ut autem actus hic so- lennis eò augustior reddatur, meo, & Amplissimæ Fa- cultatis nomine, Magnificum Dnum Rectorem, Exce- lentissimos Professores, Clarissimos omnium Faculta- tum Doctores, Lectissimam studiosæ Juventutis Co- ronam, omnesq; Literatos & Literarum Fautores, eā, quā par est, observantiā & humanitate invito.


Rostochii, Sub Sig. Fac. Jur. die 10. Martii an. 1678.





storitate præscriptæ, à Judicibus  
voluisse videntur maximi nominis  
prudentium formulas scire & concin-  
nitate cum labore restituerunt. Cu-  
simus Dn. JOHANNES Knege-  
Candidatus eximius, in latifundio  
citer navigans & ad portum scienti-  
præprimis actionum instituenda-  
tates sentiret, in illud studium ner-  
ut, pro adipiscendis summis in-  
difficili & abstrusâ actionum in-  
rales conscriberet theses, easq; p-  
ctorum exponeret. Ceterum,  
sit, de ejus honestissimâ origin-  
rum rerum scientes, verba facere  
Parentes ejus huc dum, per Dei  
& hodiè Gustrovii degentes, in  
præcipuos ejusdem Residentiæ L-  
tur. Pater enim Vir Spectatiss. D.  
dorff/ Sereniss. Ducis Mechl., Dni  
Præfectus vectigalium est: Mater  
sima *Margaretha Dalvissen*. Id p-  
comiū referendū erit, quod, sepe  
semper, ut ad virtutis & eruditionis  
tribus omniq; studio contendere  
manioris literaturæ fundamenta  
ensi, Rectore Viro Clarissimo, D.  
*Ammone*, Philosopho & Philologo

Nec aliud  
veterum  
siras, sum-  
Vir Claris-  
iusq; Juris  
entia feli-  
adpellens,  
as difficul-  
i intendir,  
oribus, de  
â, inaugu-  
amini Do-  
oster Civis  
inter ha-  
et: siquidē  
uperstitēs,  
vitæ inter  
es, numerā-  
es *Knege-*  
mentissimi  
mina le *Cis-*  
in ejus en-  
iâ, id egerit  
omnib; vi-  
prima hu-  
*Gustrovi-*  
*Gothofredo*  
rimo, nunc  
Superin-



the scale towards document

Image Engineering Scan Reference Chart TE93 Serial No.